



三田方
 小文
 八

武
 328
 5



明中武
卷28
分

藏書

藏書

三因極一病證方論卷之七

疝叙論

經論雖云七疝諸疝等更不見名狀但出寒疝類疝
而已唯太奇論列五臟脈為五疝證所謂腎脈大急
沉為腎疝肝脈大急沉為肝疝心脈搏滑急為心疝
肺脈沉搏為肺疝三陰急為脾疝三陰即太陰脾脈
也大抵血因寒泣則為瘕氣因寒聚則為疝但五臟
脈理不同不可不辨且腎脈本沉心脈本滑受寒則
急於理乃是肝脈本弦肺脈本瀦並謂之沉未為
義又脾不出本脈但云急為疝亦文義之錄也凡云

小疝

藏書

森氏開萬
冊府之記

急者緊也緊為寒亦可類推且賊風入腹亦為疝目
暑履濕皆能為疝當隨四氣改易急字風則浮弦暑
則洪數濕則緩細於理甚明要知疝雖兼臟氣皆外
所因也

諸疝證治

疝之為病隨臟氣虛實感傷外邪寒泣風散暑鬱濕
着絞刺擊搏无有定處倉卒之際痛不堪忍世人稱
為橫弦堅弦膀胱小腸氣賊風入腹等名義不同證
狀則一寒則溫之風則散之暑則利之濕則燥之各
有成法

大烏頭桂枝湯治風寒疝腹中痛逆冷手足不仁身
躄疼痛攻刺諸藥不能療及賊風入腹攻刺五臟
拘急不得轉側發作叫呼陰縮悉主之

大烏頭 伍枚實者去皮尖蜜一大 桂心 芍藥 各三錢
耳草 一分 盡煎減半 出湯切洗

右為剉散每服四大銖水一盞半薑五片大棗二
箇入煎煎烏頭蜜半合同煎至七分盡去滓食前
服一法用附子一箇不使烏頭為蜜附湯
走馬湯治卒疝无故心腹痛陰縮手足厥逆并治飛

尸鬼輟手

巴豆

二箇去皮心炒

杏仁

二箇去皮尖

右二味取綿纏搥令碎熱湯二合捻取白汁飲之當下老少量與

倉卒散治寒疝入腹心腹卒痛及小腸膀胱氣絞刺

脾腎氣攻亦手急極痛不可忍屈伸不能腹中冷

重如石白汗出

山梔子

四十枚燒半過

附子

一枚炮

右為末每服二錢水一盞酒半盞煎至七分入塩

捻温服即愈

葱白散治一切冷氣不和及本臟膀胱氣攻刺疼痛

及治婦人產前產後腹痛胎不安或血刺者兼能治血臟宿冷百骨節倦疼肌瘦怯弱傷勞帶癖久膜尽除但婦人一切疾病最宜服之

川芎

當歸

枳殼

麩炒去穢

厚朴

姜製炒

官桂

皮去

青皮

乾薑

炮

茴香

炒

川練

炒

神麩

炒

麥蘖

炒

三稜

炮

蓬朮

醋侵一宿焙

人參

茯苓

芍藥

炒

木香

炮

乾地黄

各一兩

右為末每服三盞水一盞葱白二寸煎七分入塩少許熱服大便秘澁加大黃煎太便自利加訶子煎食前服

煎食前服

失笑散治小腸氣痛及婦人血痛心腹絞痛欲死

十餘日百藥不驗

五靈脂 蒲黃 炒等分

右末每服二錢先用醪醋一合熬藥成膏水一盞煎至七分熱呷服

神應散治諸疝心腹絞痛不可忍

玄胡索 胡椒 等分

右為末每服二大錢酒半盞水半盞煎七分食前溫服

大烏頭湯治寒疝繞臍發白汗出手足厥其脈沉弦

悉去之

大烏頭 伍箇洗淨細沙炒令黑不段咀

右一味水三盞煎取八分去烏頭入蜜半盞已下煎七分兩上空腹服

牡丹圓治寒疝心腹刺痛休作无時及治婦人月病

血刺疼痛

川烏頭 炮令焦黑去皮尖

牡丹皮 四兩

桂心 伍兩

桃仁 炒去皮尖五兩別研

右末煉蜜丸梧子大每服五十圓溫酒下婦人醋湯下

小茴香圓治小腸氣腹痛

茴香 胡椒 等分

右為末酒糊丸如梧子大每服五十圓空心溫酒下

苦練圓治肝腎氣虛風冷相搏心腹絞痛攻刺腰背不能禁受下注陰器腫痒疼痛久服養腎活血駐顏輕身奈老進羨飲食

川練 一十一箇剉碎分三去一用巴豆七粒去皮同炒焦黑色去巴豆不用又用班徭七箇同炒焦去班徭又用海金沙七錢重同炒去海金沙不用 茴香 炒 破故紙 炒 葫蘆巴 炒 木香 炮各一兩 烏藥 二兩

右為末酒糊丸如梧子大每服三五圓湯酒任下
補腎湯治寒疝入腹上實下虛小腹痛時復泄瀉

曾膈痞滿不進飲食常服溫脾補腎

人參 茯苓 白朮 黃芪 附子 炮去皮臍 各一兩
沉香 四錢 木瓜 一兩 羌活 兩 甘草 炙
芎藭 各一 紫蘇 三分

右為剉散每服三錢水一盞姜三片棗一枚煎七分去滓食前服嘔加半夏兩漆水作盞半姜七片煎

叙厥論

經云厥者逆也。有寒厥、有熱厥、有六經厥、有尸厥。寒厥者，陰氣起於足，五指之裏集於膝上，聚於膝上，故陰氣勝則從五指至膝上寒。陽氣衰不能滲營其經絡，陽氣日損，陰氣獨在，故手足為之寒，名曰寒厥。熱厥者，陽氣起於足，五指之表集於足下，聚於足心，故陽氣勝則從五指至足心熱。熱入於胃，絡脈滿，經脈虛，陰虛陽入，腎氣衰，陽氣獨勝，故手足為之熱，名曰熱厥。六經厥者，頭重足弱，發為瞑仆，名曰太陽厥。妄言走呼，腹滿面赤，名曰陽明厥。暴聾頰腫，脇筋拘痛，名曰少陽厥。腹脹後閉，食則寒嘔，名曰太陰厥。口乾溺赤，腹滿

心痛，名曰陰厥。涇洩不利，肝熱陰縮，名曰厥陰厥。尸厥者，脹滿暴不知人，或至半日，遠至一日，此以陰氣盛於上，則下虛；下虛則腹脹，腹脹則下氣重上，而邪氣逆，逆則陽氣亂而不知人，矣。名曰尸厥。經論如此，雖祖分六經，殊不出寒熱二證。所因欲求備治，當歷明之。寒厥則因多慾而奪其精，故致陽衰陰盛，熱厥則因醉飽入房，精虛則熱入，故致陰虛陽盛。致其厥，因多以不勝乘其所勝，氣不得行，遂致於逆。如腎移寒於脾，則水乘土；水既不行，乃成寒厥。如心移熱於腎，則火乘水；火既不行，乃成熱厥。六經皆然，可次第

論也所謂得其要者一言而終矣尺脈亦然正由藏氣相刑或與外邪相忤則氣過不行閉於經絡諸脈匿伏昏不知人唯當隨其臟氣而通之寒則熱熱則寒閉則通如經所謂盛則瀉虛則補不盛不虛以經取之其旨一也經中以數醉為熱厥之因學者不可拘此蓋傷寒溫病皆有熱厥仲景所謂熱深厥深聖意以酒能發百脈熱故舉此以為例耳不可不知

陰陽厥脈證治

陰陽相乘而生寒熱厥者脈證似同而大異寒厥者初得之四肢冷脈沉微而不數多惡寒引衣自覆下

利清穀外證多惺惺熱厥者初得之必發熱頭疼脈雖沉伏按之必數其人或畏熱喜冷揚手掉足煩躁不眠太小便秘赤外證多昏冒傷寒亦然治之各有方

四逆湯治寒厥或表熱裏寒下利清穀食入則吐或乾嘔或大汗大吐大下之後四肢冰冰五內拘急舉身疼痛不渴脈沉伏

大附子 去皮臍生 用半兩
乾姜 半兩
甘草 炙一分
右剉散每服四錢水二盞煎七分去滓食前溫服併進取效

白虎湯治熱厥腹滿身重難以轉側面垢譫語遺溺

手足厥冷自汗脈沉滑裏有熱也

石膏四兩推碎 知母一兩半 甘草炙半兩

右為劉散每服四大錢水二盞粳米一撮煮米熟去滓取七分清汁服可併進服

兼氣湯亦治熱厥方見傷寒門舉此為例當觀病淺深量多寡以飲之方見第四卷

卒厥尸厥脈證治

追魂湯治卒厥暴死及主客忤鬼擊飛尸奄忽氣絕

不覺口禁

麻黃去節三兩 杏仁去皮尖二百八十箇 甘草炙一兩

右為劉散每服四錢水一盞半煎七分去滓灌之通治諸感忤或口噤拗口不開去齒下湯湯入口活不下分病人髮左右捉擗肩引之藥下漸令服盡取効千金有桂心二兩金匱云寸脈沉大而滑沉則為實滑則為氣實氣相搏血氣入臟則死入腑則愈若卒厥唇口青身冷為入臟即死身和汗出則愈

內鼻散治尸厥脈動而无氣氣閉不通靜而若死亦名卒厥

菖蒲

右為末，內兩鼻孔中吹之，令人仍以桂末安舌下。

眩暈證治

方書所謂頭面風者，即眩暈是也。然眩暈既涉三因，不可專為頭面風。如中傷風寒暑濕在三陽經，皆能眩人，頭重項強，但風則有汗寒，則掣痛，暑則熱悶，濕則重着吐逆，眩例屬外所因。喜怒憂思致藏氣不行，鬱而生所，涎結為飲，隨氣上厥，伏留陽經，亦使人眩暈。嘔吐眉目疼痛，眼不得開，屬內所因。或飲食飢飽，甜膩所傷，房勞過度，下虛上實，拔牙金瘡吐衄，便利。

去血過多及婦人崩傷，皆能眩暈。眼萃屋轉起，則眩倒，屬不內外因。治之各有法。

大豆紫湯治中風頭眩惡風自汗吐冷水及產後百病或中風痲痺背強口噤直視煩熱。

獨治 一兩半 大豆 半斤 酒 三升

右先以浸獨活煎一二沸，別炒大豆極焦，煙出急投酒中，密封候冷，去豆，每服一二合，許得少汗，則愈。日數十服，此湯能去風消血結，如姪娘折傷胎死腹中，服此得甦。

三五七湯治感寒頭眩惡寒口眼喎斜耳聾。

大附子

三兩炮
去皮臍

山茱萸

五兩

山藥

七兩

右為末每服二錢匕酒調服或呷咀每服四大錢水盞半薑五片棗一箇煎七分去滓服

黃龍圓

治感暑眩暈昏不知人

方見中暑門

麴木散

治冒濕頭眩暈經久不差嘔吐涎沫飲食無

味主之

神麴

二兩炒

白朮

三兩

右為末每服二錢生姜煎湯調下或以酒糊圓如梧子大每服三五十圓湯飲任下

暑預湯

治七情一臟氣不行鬱而生涎涎結為飲隨

氣上厥伏留陽經心中忪悸四肢緩弱翕然面熱頭目眩冒如欲搖動

暑預

人參

麥門冬

去心各四兩

前胡

白芍藥

熟地黄

各二兩

枳殼

去穰炒

遠志

去心姜引製炒各三分

白茯苓

茯神

各一兩半

半夏

湯洗去滑一兩一分

耳草

半兩灸

黃芪

一兩灸

右為剉散用千里流水一盞半薑十片秫米一撮煎七分去滓食前服

白散子

治上實下虛眩暈昏塞

方見中風門

芎藭湯

治產後去血過多運悶不省及傷胎去血多

崩中去血多，金瘡去血多，拔牙去血多，不止懸
虛心煩眩暈頭重，目暗耳聾，舉頭欲倒。

芎藭 三兩 當歸 三兩去芦洗

右為剉散，每服四錢水一盞半煎七分，去滓熱服。

不以時候。

黑錫丹 治陰陽不升降，上熱下冷，頭目眩暈病至危。

篤或服暖藥，借上愈甚者，當服此藥，已經增損。

硫黃 二兩推如皂夾子大候，成汁入硫黃在內

川練子 起候硫黃化傾出於九重紙內，入一

陽起石 股 木香 沉香 青皮 炒各半兩 肉苳蔻 一兩

茴香 炒 官桂 去皮不見火 附子 炮去皮臍 葫蘆芭 炒

破故紙 炒各一兩 烏藥 去木剉一分

右為細末，酒糊為丸，如梧子大，每服三五十圓，至

一百圓，濃煎人參茯苓薑棗湯吞下，食前服。

瘥叙論 瘥亦作瘥

夫人之節各隨經絡，結束於身，血氣內虛，外為風寒，
濕熱之所，中則瘥。故寒則緊縮，熱則弛張，風則弦急，
濕則脹緩，四氣兼并，當如常說，以風散氣，故有汗而
不惡寒，曰柔瘥；寒泣血，故无汗而惡寒，曰剛瘥；熱消
氣，故為瘳；縱濕溢血，故為緩弱。經中所謂太筋絀短。

小筋弛長，綆短為拘，弛長為痿，皆濕熱不攘之所為也。原其所因，多由亡血筋无所營，故邪得以襲之。所以傷寒汗下過多，與夫病瘡人及產後致斯病者，藥可見矣。診其脉皆沉伏弦緊，但陽緩陰急，則兀兀拘攣，陰緩陽急，則反張強直。二證各異，不可不別。

瘧叙例治法

破傷風破傷濕並附

病者身熱足寒，頭項強急，惡寒時頭熱，面赤目脉赤，獨頭動搖，卒口噤，皆反張以發熱惡寒，不惡寒有汗无汗，分剛柔者，風寒瘧也。脉沉細即為濕瘧，瘡瘍未合風入為破傷風，濕入為破傷濕。二者害人最急，倉卒不知其因，甚難忍。癰疽瘰癧膿潰之後，亦宜謹之。產婦汗多，或因怒厥，皆成此病。治之各有方治。

括樓桂枝湯治柔瘧身體強兀兀然，脉反沉遲，自汗。括樓根二兩，桂心，白芍藥各三兩，甘草二兩。

右為剉散，每服四大錢，水盞半，薑五片，棗二枚，煎七分，去滓，溫服。汗不透，食頃啜熱粥發之。

葛根麻黃湯治剛瘧无汗，小便少，氣上衝，口噤，不能語，主之。

葛根四兩，麻黃去節三兩，桂心，白芍藥，甘草。右剉散，每服四大錢，水盞半，薑五片，棗三枚，煎七

分去滓食前服

大承氣湯治剛痊曾滿口噤卧不着席脚躄急齒齒

去之方

大黃四兩 厚朴炒兩

枳殼炒去穢

右剉散每服四大錢水盞半煎七分去滓入芒硝二錢匕煎銘服得利止後服此以陽明養宗筋陽明者胃也風濕寒入于胃則熱甚宗筋无以養故急直利陽明以治其能養也

參桂湯治卒半身不遂手足拘急不得屈伸身身冷或智或癡或身強直不語或生或死狂言不可名

狀角弓反張或欲得食或不用食或大小便不利悉主之

人參 桂心 當歸 獨活 黃芩 乾姜炮

甘草炙各 石膏一兩 杏仁一伯六十箇

右剉散每服四大錢水一盞半煎七分去滓服无汗加麻黃去節三分

倉公當歸酒主賊風口噤角弓反張瘕者

當歸 防風各三 獨活一兩 麻黃去節一

細辛去苗半兩 附子一固六錢重

右為剉散每服四錢水酒各半盞同煎七分去滓

口不開者扶開口內湯一服蘇二服少汗三服大
活愈

破傷風濕治法

防風散治風自諸瘡口入為破傷風項強牙閉緊欲
死

防風去叉 天南星湯各等分

右為末每服三錢童子小便一大盞煎至七分熱
服

牡礪散治破傷濕口噤強直

牡礪取末粉付瘡口仍以未
二錢煎甘草湯調下

香膠散治破傷風口噤強直

魚膠燒七分
留性

右研細入麝香少許每服二錢酒調下不飲酒米
湯下又一方以蘇木煎酒下

三因極一病證方論卷之七 終

夫臟腑合手足三陰三陽為十二經各有所主故為
 十二官心者君主之官神明出焉肺者相傳之官治
 節出焉肝者將軍之官謀慮出焉脾者諫議之官公
 正出焉腎者作強之官伎巧出焉膽者中正之官決
 斷出焉膻中者臣使之官喜樂出焉小腸者受盛之
 官化物出焉大腸者傳送之官變化出焉胃者倉廩
 之官五味出焉三焦者決瀆之官水道出焉膀胱者
 州都之官津液藏焉氣化則能出矣故五臟為陰六

三因極一病證方論卷之八

內所因論

夫臟腑合手足三陰三陽為十二經各有所主故為
 十二官心者君主之官神明出焉肺者相傳之官治
 節出焉肝者將軍之官謀慮出焉脾者諫議之官公
 正出焉腎者作強之官伎巧出焉膽者中正之官決
 斷出焉膻中者臣使之官喜樂出焉小腸者受盛之
 官化物出焉大腸者傳送之官變化出焉胃者倉廩
 之官五味出焉三焦者決瀆之官水道出焉膀胱者
 州都之官津液藏焉氣化則能出矣故五臟為陰六

府為陽此十二官不得相失者正由陰陽消息盈虛
當隨四序而調養之不可使其偏勝偏勝則偏復偏
復則偏害勝剋流變則真病生焉夫陰陽虛實者乃
臟腑更相勝復也若其子母相感則母虛能令子虛
子實能令母實經曰實則瀉其母虛則補其子如肝
實則瀉腎肝虛則補心如百姓足君孰與不足此經
之本意也難經則反是及觀金匱之論其得為多肝
虛補用酸助用焦苦益用甘味之藥酸入肝焦苦入
心甘入脾脾能制腎腎氣微弱則水不行水不行則
心火盛心火盛則肺金受制肝氣乃舒肝氣舒則肝

病自愈此補子之意也虛肝則用此實則反之千金
亦云肝虛當補心心旺則感於肝皆此類也此正本
藏十二官冷熱盈虛而為病非外感淫邪及故為腎
理者之比然內所因惟屬七情交錯愛惡相勝而為
病能推而明之此約而不濫學者宜留神焉

內所因治說

論云治傷寒有法醫雜病有方方即義方法即法令
外病用法令猶奸邪外擾非刑不除內病用義方猶
父兄子弟不足以禮格之而已故內外之治由是而
介外邪難辨當以例明內證易知只叙方證學者不

可不審

肝膽經虛實寒熱證治

泻肝湯治肝實熱陽氣伏邪脇痛忿忿悲怒發熱喘逆滿悶目痛視物不明在悸非意而言乍寬乍急所作反常

前胡去苗

柴胡

秦皮去鹿皮

細辛去苗

梔子仁

黃芩

升麻

麩仁

決明子

各等分

右剉散每服四錢水兩盞苦竹葉車前葉五片各煎至盞半內藥再煎至八分去滓入芒消壹錢匕煎鎔不以時服

瀉膽湯治膽實熱反洒洒惡寒肢中氣滿脇下硬口

苦咽乾頭疼不欲食

半夏

三兩湯洗去滑

生地黄

五兩

酸棗仁

二兩半

黃芩

兩

遠志

去心姜汁合炒

茯苓

各二兩

耳草

灸一兩

右剉散長流水壹斗糯米一升煮蠲眼滯湯二三千遍澄清每用二盞抄藥四錢匕薑七片煎七分去滓不以時服

補肝湯治肝虛寒兩脇滿筋急不得太息寒熱肢滿

不欲飲食悒悒不樂四肢冷發搶心股痛目視眈眈或左脇偏痛筋萎脚弱及治婦人心痛乳癰膝

熱消渴瓜甲枯口面青

山茱萸 耳草 炙

桂心 兩各一

細辛 去苗

茯苓

桃仁 麩炒去皮尖

栝子仁

防風 兩各一

川烏頭 炮去皮

胎半兩

右劉散每服四大錢水盞半薑五片棗三枚煎至七分去滓空心服

溫膽湯治膽虛寒眩厥足痿指不能搖臂不能起僵

什目黃朱精虛勞煩擾因驚膽懾奔氣在胃喘滿

浮腫不聽

半夏 湯洗去滑

麥門冬 去心各一兩半

茯苓 兩二

酸棗仁

三兩 炒

耳草 炙

桂心

遠志 去心姜汁合炒

黃芩

草薢 人參 兩各一

右為劉散每服四大錢用長流水一斗糯米煮如

瀉膽湯法一方見虛煩門

心小腸經虛實寒熱證治

瀉心湯治心實熱心下痞滿身重發熱乾嘔不安腹

中雷鳴滯澀不利水穀不消欲吐不吐煩悶喘急

黃連 去毛 二兩

半夏 湯洗七次 三兩

黃芩

耳草 炙

人參 各一兩

乾姜 炮一兩半

右為劉散每服四大錢水兩盞棗三枚煎七分去滓服并治霍亂若寒加附子一枚炮去皮臍若渴

加栝楼根嘔加橘皮痛加當歸客熱以生薑代乾薑

清脉湯治小腸實熱身熱手足心熱汗不出心中煩滿結塞不通口瘡身重

柴胡 澤瀉 橘皮 芒消 枳實炒 黃芩

升麻 旋覆華 生地黃各等分

右剉散每服四錢水盞半煎七分去滓下芒消再煎熱服不以時

茯苓補心湯治心虛寒病苦悸恐不樂心腹痛難以言心寒恍惚喜悲愁恚怒衄血面黃煩悶五心熱

渴獨語不覺咽喉痛舌本強冷汗出善忘恐走及治婦人懷妊惡阻吐嘔眩暈四肢怠惰全不納食

白茯苓 人參 前胡 半夏湯洗七次去滑 川芎各三分

橘皮 枳殼炒 紫蘇 桔梗 耳草

乾薑各半兩 當歸一兩三分 白芍藥二兩 熟地黃一兩半

右剉散每服四大錢水盞半薑五片棗一枚煎七分去滓食前服

分氣補心湯治心氣鬱結怙悻噎悶四肢浮腫上氣喘急

大腹皮炒 香附炒去毛 白茯苓 桔梗各一兩

水通 耳草 炙 川芎 前胡 去 青橘 炒

枳殼 去 麩炒 白木 各 三 細辛 去 木香 各 半

右劉散每服四大錢水一盞薑三片棗一枚煎柴
分去滓食前溫服

溫脾湯治小腸虛寒苦頭偏痛耳頰疼下痢赤白腸

滑膜中疝痛裏急後重

乾薑 半 一兩 當歸 黃蘗 地榆 各 二 阿膠 麩炒

茴香 炒 石榴皮 黃連 各 一

右劉散每服四錢水盞半煎七分去滓溫服

脾胃經虛實寒熱證治

清脾湯治脾實熱病苦足寒脛熱腹脹滿煩擾不得

卧舌本強躄重面黃頭痛右腳滿痛偏脹口唇乾

裂寒熱如瘡

茯苓 橘皮 草蓐 去 皮 白木 各 二 人參

桂心 白芷 耳草 炙 川芎 各 一 半夏 三 兩 洗 七 次

右為劉散每服四大錢水二盞七次紫蘇三葉煎
七分去滓服欲通利加大黃

平胃散治胃實熱口唇乾嘔噦煩悶大小便秘澁及

熱病後餘熱不除畜干胃中四肢發熱口渴胃滿

无汗

厚朴去皮姜製炒 射干米泔浸 升麻 茯苓各一兩半
 芍藥二兩 枳殼麩炒去穢 大黃蒸 耳草各一兩
 右為劉散每服四錢水一盞煎七分去滓空心熱服

補脾湯 治脾虛寒病泄瀉腹滿氣逆嘔吐心煩不得
 卧腸鳴虛脹飲食不消勞倦虛羸喜噫四肢逆冷
 多卧少起情意不樂

人參 茯苓 草蓂去皮 乾姜炮各一兩 麥蘖炒
 耳草各一兩半 厚朴去皮姜製炒 橘皮 白木各三分
 右為劉散每服四錢水一盞半煎七分去滓食前

養胃湯 治胃虛寒脛寒不得卧浙浙惡風洒洒惡寒
 膝中痛虛鳴寒熱如瘧唇口乾面目虛浮嘔噦吐
 瀉四肢疼痛不思飲食或傷寒濕骨節皆痛

厚朴姜製炒 藿香去梗 半夏湯洗七次 茯苓各一兩
 人參 耳草炙 附子炮去皮臍 橘皮各三分 草蓂去皮
 白木各半兩

右劉散每服四錢水盞半薑五片棗一枚烏梅半
 箇煎七分去滓空心服常服溫胃消痰進食下氣
 辟寒疫

肺大腸經虛實寒熱證治

清肺湯治肺實熱肺壅汗出若露上氣喘逆咳嗽咽

中塞如嘔狀短氣容熱或唾膿血

薏苡仁 防已 杏仁 冬瓜子仁 三分

雞子白皮 一分

右為剉散每服四錢先以葶葉切半握水二盞煎盡半入藥同煎至七分去滓食前服

瀉白湯治太腸實熱腹脹不通俠臍痛食不化喘不

能久立口生瘡

橘皮 淡竹茹 黃芩 梔子仁 藥皮 兩各半

茯苓 芒消 各一兩 生地黄 五兩

右為剉散每服四錢水盞半姜棗煎七分空心服

補肺湯治肺寒虛逆滿上氣咽中悶塞寒從背起口

中如含冰雪語无音聲舌本乾燥吐沫唾血不能

飲食

款冬華 桂心 各一兩 桑白皮 炙四兩 人參

紫苑茸 一兩 白石英 一兩 五味子 鍾乳粉 各一兩半

麥門冬 去心 二兩

右剉散每服四大錢水一盞半薑五片棗三枚粳

米一撮同煎七分去滓食前服

八

固腸湯治大腸虛寒利下青白腸中雷鳴相逐大便不節小便赤黃氣上衝胃不能久立身腫脹急當臍痛悉主之

酸石榴皮兩半 黃連炒 地榆各一兩 罌粟殼醋

茯苓各一兩半 右剉散每服四錢水盪半薑五片烏梅一箇煎七分去滓空心服

腎膀胱經虛實寒熱證治

青原湯治腎實熱小腹脹滿四肢正黑耳聾骨熱小便赤黃腰脊離解及伏水等

將

茯苓 黃芩 菖蒲各五兩 玄參 細辛各四兩

大黃水浸一宿 耳草炙各二兩 磁石八兩煨醋淬

右為剉散每服四錢水一盞煎七分去滓熱服

瀉浮湯治膀胱寒熱腰脊痛閉塞不通舌乾咽腫悉主之

茯苓 梔子仁 知母各三兩 生地黄 淡竹葉 石膏八兩煨

右為剉散每服四錢水盪半煎七分入蜜半匙煎兩沸熱服須利加芒消一錢匕

溫腎散治腎虛寒陰痿腰脊痛身重緩弱足腰不可

工

三

九

以按語音混濁陽氣頓絕

熟乾地黄一斤 茯苓酒浸 麥門冬去心 牛膝酒浸

五味子去心 巴戟去心 甘草炙各八兩 茯神去木

乾姜炮各五兩 杜仲去鹿皮剉姜汁淹炒絲斷三兩

右為末每服二錢溫酒調下空心日二三服

補浮湯治膀胱虛冷脚筋急腰痛引腰背不可屈伸

耳聾目眩眩坐欲倒小便數遺白面黑如炭

黃芪各一兩半 白茯苓各一兩半 杜仲去皮剉姜汁淹炒斷絲各三兩

磁石煨淬 五味子各三兩 白朮 白石英搥碎各二兩半

右為剉散每服四錢水盞半煎七分去滓空心溫

服

心主三焦經虛寒熱證治

清腫湯治右腎實熱身熱脊脇相引痛足冷小便黃

赤如梔子藥汁每飲小便即莖頭痛

榆白皮 冬葵子各五兩 石葦去毛四兩 黃芩

通草 瞿麥各三兩

右為鹿末先以水二盞入車前葉數片煎至盞半

入藥末四錢再煎七分去滓熱服

潤焦湯治三焦寒熱目允背急痛腰脇熱脊背連膾

中煩悶飲食未定頭面汗出關格不通不吐不下

或氣逆不續走哺不禁或泄瀉溺澁遺瀝
 地骨皮 半夏湯洗 柴胡去苗 澤瀉各五兩
 茯苓 麥門冬去心 車草炙 人參各一兩
 右剉散每服四錢水二盞姜五片竹茹如指大煎七分
 分去滓空心服

益志湯治右腎虛寒小便數腰脇引痛短氣欬逆四肢煩疼耳鳴面黑骨間熱夢遺白濁目眩諸虛困乏
 鹿茸去毛炙 巴戟去心 熟乾地黄酒浸 枸杞子
 茯苓酒浸 牛膝酒浸 附子炮去皮臍 桂心不焙

山茱萸 白芍藥 防風去叉 茸草各等分
 右剉散每服四大錢水盞半姜五片塩少許煎七分
 分去滓食前服

安中散治三焦虛寒短氣不續腹不安食隨即洞下小便赤濁精洩不禁脚脛酸疼小腹脹滿
 熟地黄 巴戟去心 龍骨各二兩半 遠志去心炒
 茯苓各三兩 天雄炮去皮臍 五味子 山藥各三兩
 茯苓酒浸 續斷各四兩 蛇床子各炒 兔絲子酒浸各四兩半
 右為細末每服二錢匕温酒調下夫三焦屬精腑臟精以養身係累于心脾腎三經人多以醉飽心

虛而合陰陽故此病作唯謹之為得

三焦精府辨正

古人謂左腎為腎藏其腑膀胱右腎為命門其腑三焦三焦者有脂膜如手大正與膀胱相對有白脈自中出夾脊而上貫于腦所以經云丈夫藏精女子繫胞以理推之三焦當如上說有取可見為是帝鵠乃云三焦有位无取其意以為上中二焦如漚如霧下焦如瀆不可遍見故曰有位無取而王叔和輩失其旨意遽云无狀空有名稱後輩承繆不已且名以召寔无寔奚召果其无形尚何以藏精繫胞為哉其

腕

所謂三焦者何也上焦在膻中內應心中焦在中脘內應脾下焦在臍下即腎間動氣分布人身有上中下之異方人湛寂慾想不興則精氣散在三焦榮華百脉及其想念一起慾火熾然翕撮三焦精氣流溢並命門輸寫而去故號此府為三焦耳學者不悟可為長太息

痼冷積熱證治

夫以臟腑稟賦不同亦有將理失宜遂致偏冷偏熱故方論中有痼冷積熱之說痼冷者中寒也多因真氣既微胃氣不寔後啖生冷冰雪之屬致腸胃虛寒

陰既停疑陽不能正大便洞泄小便頻併鼻多清涕
漚吐涎沫水穀不化洒洒泚泚皆陽虛陰盛之所為
也積熱者臟腑燥也多因精血既衰三焦煩壅後餌
丹石酒炙之屬致腸胃蘊毒陽既熾盛陰不能制木
便秘澁小便赤淋口苦咽乾涎稠眵淡飲食元度揮
揮熖熖皆陰虛陽盛之所為也治各有方

金液丹固真氣暖丹田堅筋骨壯陽道除久寒痼冷
補勞傷虛損治男子腰腎久冷心腹積聚腸下冷
痺腹中諸虫失精遺溺形羸力弱脚膝疼痛冷風
頑痺上氣衄血咳逆寒熱霍亂轉筋虛滑下利又

治痔瘻濕蠱生瘡下血不止及婦人血結寒熱陰

蝕

硫黃一十斤先飛凍去砂石秤研為末用堯合盛
以水和赤石脂封口盛泥固濟曬乾地內先
理壹小罐子盛水令滿安合子在正用泥固濟
慢火養七日七夜俟足加頓火一煨候冷取出
右研為細末每一兩用炊餅一兩湯浸握去水肝
為丸如梧子大每服三十九丸多至百圓溫米飲下
空心服之又治傷寒陰證身冷脈微手足厥逆或
吐或利自汗不止或小便不禁不拘圓數併服得
身熱脈出為度

震靈丹補虛壯氣暖腎祛邪益精髓溫脾胃進飲食

悅顏色治真氣虛憊脘腹冷痛肢躄酸疼腰背拘
急脚膝緩弱面色痿黃目眩耳鳴心怔氣短大便
自利小便頻數口乾煩渴飲食无味大治婦人崩
中帶下參拾陸病小兒驚悸及一切痼冷風虛悉
主之常服育神養氣輕身延年此藥制合陰陽功
侷造化留心服餌百病不生真濟世衛生之寶也
丁頭代蘇石 禹餘糧石 棟紅紫色 无金絲者 紫石英
赤石脂 各四兩
右各為細末並入砂合內用赤石脂固口縫以炭
一秤簇頂煨候火消及七分存三分火取出合子

合子開却各先於地上掘一坑深尺餘用厚紙兩
重襯定傾藥在上以新瓦盒子覆之四畔將黃土
遍壅一宿取出再入乳香沒藥二兩五靈脂二兩
都為細末一處將前藥合和勻再研極細煮糯米
糊和勻杵數千下圓如雞頭大每服二圓或伍圓
空心濃煎薑棗湯下忌六畜血

涼膈散治大人小兒臟腑積熱煩躁多渴面熱頭昏
唇焦咽燥舌腫喉閉目赤鼻衄頰頰結硬口舌生
瘡痰實不利涕唾稠粘睡卧譫妄及腸胃燥澀便
溺秘結一切風壅

大黃蒸 朴消 耳草各三兩 山梔子仁 黃芩

薄荷各一兩 連翹四兩

右為末每服二錢水一盞竹葉七片蜜少許同煎七分去滓食後服

洗心散治風壅壯熱頭目昏痛肩背拘急肢節煩疼

熱氣上衝口苦唇焦咽喉腫痛痰涎壅滯涕唾稠

粘心神煩躁眼澁睛疼及大小便秘澀

大黃蒸 耳草熅 當歸 芍藥 麻黃去節

荆芥穗各一兩 白木半

右為末每服一錢水一盞生薑薄荷各少許煎七

分去滓溫服小兒豆瘡欲發先狂語多渴及驚風積熱可服一錢臨臥服如大人五臟壅實欲要瀉轉加至四五錢乘熱服

五積證治

五積者五臟之所積皆臟氣不平遇時相逆而成其病如夏傷肺肺以所勝傳肝遇長夏脾王傳剋不行故成肝積名曰肥氣肥氣者以其積氣藏於肝木之下猶肥遁於山林也失志傷腎腎以所勝傳心遇秋肺王傳剋不行故成心積名曰伏梁伏梁者以其積氣橫架於脊原也怒則傷肝肝以所勝傳脾遇冬腎

王傳剋不行故成脾積名曰痞氣者以積氣痞塞中
 腕也喜則傷心心以所勝傳肺遇春肝王傳剋不行
 故成肺積名曰息賁息賁者以積氣喘息賁溢也思
 則傷脾脾以所勝傳腎遇夏心王傳剋不行故成腎
 積名曰奔豚奔豚者猶水畜奔衝於心火也難經以
 肥氣成於戊巳伏梁成於庚辛以至奔豚成於丙丁
 者正合陰陽施化休王架剋之大義也又論曰病有積
 聚有馨氣積者藏病也終始不移聚者府病也發无
 定處展轉痛移為可治馨氣者即宿食也由馨飽之
 邪從口入更有息積病乃氣息癱滯於脇下非導引

不行

肥氣圓治肝之積在左脇下如覆杯有頭足如龜鼈
 狀久久不愈發欬逆嘔痰瘡連歲月不已其脈弦

而細

青皮炒二兩

當歸鬚

蒼朮

各一兩半

蛇含石

煨醋淬

蓬朮切

三稜切

鐵孕粉

各三兩與三稜蓬朮同入醋煮一伏時

右為末醋煮米糊丸菜豆大每服四十圓當歸浸

酒下

伏梁圓治心之積起於臍上上至心入如臂久久不
 已病煩心身躄股皆腫環臍而痛其脈沉而芤

茯苓 厚朴姜汁製炒 人參 枳殼麸炒去穢 白朮

半夏湯洗七次 三稜湯火煨熟乘熱溫治

右等分爲末，煮糊丸，梧子大，米飲下二十圓，食前

日兩服，作散酒調服，絕勝

痞氣圓 治脾之積在胃管，覆大如盤，久久不愈，病四

肢不取黃疸，飲食不爲肌膚，心痛徹背，背痛徹心

豚浮大而長

大烏頭一分炮去皮尖 附子半兩炮去皮臍 赤石脂煨醋

川椒炒出汗 乾薑炮各兩 桂心半兩

右爲末，蜜丸如梧子大，朱砂爲衣，每服五七丸，米

湯下，漸至十圓

息賁湯 治肺之積在右脇，下大如覆杯，久久不愈，病

洒洒，寒熱氣逆，喘咳，爲肺癰，其豚浮而毛

半夏湯洗七次 吳茱萸湯洗 桂心各二兩半 人參

耳草炙 桑白皮炙 葶歷炒式兩半

右爲剉散，每服四錢，水一盞，半姜七片，棗兩枚，煎

七分，去滓，食前服

奔豚湯 治腎之積發於小腹，上至心，如豚奔走之狀

上下无時，久久不愈，病喘逆，骨痿，少氣，其豚沉而

滑

耳季^根枳皮^{干倍} 乾葛^{各一分} 當歸 川芎
 白芍藥 耳草^炙 黃芩^{各式} 半夏^{湯洗七}
 右為剉散每服四錢水盞半煎七分去滓服

六聚證治

六府者大小腸胃膽膀胱三焦者也屬於三陽太陽
 利清氣陽明泄濁氣少陽化精氣如都會之府主轉
 輸以為常也六府失常則壅聚不通故實而不轉虛
 而輸隨氣往來痛无定處在上則格在下則脹傍攻
 兩脇如有坏塊易於轉變非五臟比
 散聚湯治久氣積聚狀如癥瘕隨氣上下發作有時

心腹絞痛攻刺腰脇上氣窒塞喘咳滿悶小腹脹
 脹大小便不利或後泄瀉淋瀝无度遺精白濁狀

若虛勞

半夏^{湯洗十次} 檳榔 當歸^{各三分} 橘皮 杏仁^炒
 去皮 桂心^{各二} 茯苓 耳草^炙 附子^{炮去}
 川芎 枳殼^{去穢} 厚朴^{姜汁} 吳茱萸^{湯洗各}
 右剉散每服四錢水一盞半煎七分去滓食前服
 大便不利加大黃

息積證治

病者脇下滿氣逆息難頻歲不愈名曰息積因氣留

滯癖於腸下不在臟腑榮衛之間積久成氣不干
胃故不妨食多之則火熱內燦刺之則反動其經雖
服消化之藥不能獨治宜積以導引助而行之

磨積圓治腸胃因虛氣癖於盲膜之外流於季脇氣
逆息難惛日頻年醫所不治久則榮衛停凝一且
敗濁潰為癰膿多致不救

胡椒壹佰伍 木香一分 全蝎十個去毒
右為末粟米飲圓如菜豆大每服十五圓橘皮湯

化氣湯治息積癖干腹脇之下偏脹彭滿不妨飲食

鐵藥不能取轉及治心脾疼痛嘔吐酸水丈夫小
腸氣婦人脾血氣

縮砂仁 桂心 木香各一分 苧草炙 茴香炒

丁香皮 青皮炒 陳皮 生薑乾 蓬朮炮各兩

胡椒 沉香各一錢

右為末每服二錢姜蘇塩湯調下婦人醋湯調服

道引法

以兩手母指壓无名指本節依拳按髀跌坐扣齒
三十六屏氣二十一息放氣三口再屏息再放如
是三作以氣通為效遇子牛卯酉時則行然按摩

導引之法甚多，隨意行之，皆可不拘此法。

五勞證治

五勞者皆用意施為過傷五臟使五神不寧而為病。故曰五勞以其尽力謀慮則肝勞，曲違神機則心勞，意外致思則脾勞，預事而憂則肺勞，矜持志節則腎勞。是皆不量稟賦，臨事過差，遂傷五臟。以臟氣本有虛實，因其虛實而分寒熱。世醫例以傳尸骨蒸為五勞者，非也。彼乃瘵疾各門類，不可不知。

猪膏湯 治肝勞實熱，閉格牢，澁閉塞，不通毛悴色夭。

猪膏

生薑汁

各二升

青蒿汁

天門冬汁

各一升

右以微火銀石器內熬成膏，每服一匙，酒湯調下，不拘時候。

虎骨酒 治肝勞虛寒，口苦，關節疼痛，筋攣縮，煩悶。

虎骨

五兩炙焦，碎如豆大

丹參

地骨皮

乾薑

芎藭

各一兩

熟地黄

三兩

猪椒根

五加皮

枳實

去麩

白朮

各兩一分

右為剉散，以絹袋盛，淳酒四升，浸四日，初服二三合，漸加至一盞，且無服食前。

泄熱湯 治心勞實熱，口舌生瘡，大便閉澁，不通，心滿

痛，小腸熱。

澤瀉 梔子仁 黃芩各三兩 桂心通草各二兩

石膏八兩 大黃蒸 甘草炙各一兩

右為剉散每服四錢水盞半煎七分去滓食後熟 盛者煎熟加芒消一錢煎不以時服

定心湯治心勞虛寒驚悸恍惚多忘夢寐驚魘神志

茯苓四兩 桂心 甘草炙 白芍藥 乾薑炮

遠志炒去心 人參各二兩

右剉散每服四錢水盞半棗兩枚煎七分去滓食

前溫服

半夏湯治脾勞實熱四肢不和五臟乖戾脹滿肩息

氣急不安

茯苓 白朮 杏仁麩炒去皮尖 橘皮

芍藥各二兩 半夏湯洗七次四兩

右剉散每服四錢水盞半生薑七片棗兩枚煎七分去滓不以時服

茱萸膏治脾勞虛寒氣脹咽滿食不下通噎宿食臭

吳茱萸湯洗一分 白朮五兩一分 猪膏五兩 宿姜汁八兩

右搗茱萸白朮二味為末內薑汁膏中煎成膠飴 每服一大匙食前溫酒調下

引氣湯治肺勞實熱氣喘鼻張面目苦腫

橘皮兩半

細辛

去苗

白朮

桂心各三

紫蘇

兩一

麻黃

湯去節

杏仁

麩炒去皮尖

石膏

八兩

半夏

湯洗

七次去滑各一兩一分

右剉散每服四錢水兩盞姜七片竹葉五片煎七分

分去滓食後服

人參厚朴湯

治肺勞虛寒心腹冷氣逆遊氣胃腸氣

滿從留連背痛嘔逆飲食即吐虛乏不定

人參

厚朴

姜製炒

耳草

各二兩

桂心

兩四

半夏

湯洗五兩

橘皮

麥門冬

去心各三兩

右剉散每服四錢水兩盞姜七片去滓食前服腹

痛加當歸

梔子湯治腎勞實熱小腹脹滿小便赤黃未有餘瀝

數而少莖中痛陰囊生瘡

梔子仁

芍藥

通草

石韋

各三兩

滑石

兩八

紫芩

四兩

熟地黄

榆白皮

各五兩

右剉散每服四錢水盞半淡竹葉七片同煎七分

去滓不以時服

五加皮湯

治腎勞虛寒恐慮失志傷精損髓嘔吸短

氣遺泄白濁小便赤黃陰下濕痒腰脊如折顏色

枯粹

五加皮十兩

丹參八兩

石斛酒浸六兩

杜仲酒浸炒

附子炮去皮臍各五兩

牛膝酒浸

秦艽

川芎

防風

桂心各四兩

茯苓四兩

麥門冬去心地骨皮

各三兩 薏苡仁一兩

右為劉散每服四大錢水盞半姜五片大麻子一撮研破同煎七分去滓食前服

六極證治

臟猶庫藏主秘藏腑如會府主轉輸藏實則腑无不實腑虛則臟亦因而致虛故六極者由腑虛致臟虛

陰陽失度榮衛走本无以養筋脉皮肉骨髓故六物皆極極者窮絕之謂也與洪範六極同意

犀角地黄湯治筋實極致而兩脇下痛不可轉動脚

下滿不得遠行脚心痛不可忍手足爪甲青黑四

肢筋急煩滿

生地黄 犀角鎊各一兩 乾葛 玄參 梔子仁

升麻各三分 大黃半兩 芍藥一兩

右為劉散每服四錢水盞半煎七分去滓不以時服惡寒身痛加麻黃頭疼加石膏煎半兩

烏麻酒治筋虛極好悲思四肢噁吸脚手拘攣伸動

縮急肢內轉痛十指甲痛數轉筋甚則舌卷如縮唇青面色蒼白不得飲食

烏麻十兩 人參 防風 茯苓 細辛 秦椒

炒出 黃芪 當歸 牛膝 桔梗各一兩 乾地黄

丹參 署蕓 礬石煨各三兩 山茱萸 川芎各二兩

麻黃去節 白木各二兩半 五加皮 生乾姜各五兩

大棗 鍾乳粉各三兩別以小袋子盛

右為剉散用清酒二斗半同浸五宿溫服三合日再服

地黄湯治脉實極氣衰血焦髮落好怒唇舌赤甚則

言語不快色不澤飲食不為肌膚

麥門冬去心 生地黄乾各五兩 人參 茯苓 芍藥

各三兩 萎蕤四兩 石膏八兩 遠志去心十兩 甘草炙二兩

白木三兩

右剉散每服四錢水盞半煎七分去滓不以時服

防風圓治脉虛極則欬欬則心痛喉中介介如哽甚

則咽腫

防風 桂心 通草 茯苓 人參 遠志去心炒

甘草炙 白石英 麥門冬去心

右為細末蜜丸如梧子大食前酒服守圓

石南散治肉實極肌痺淫淫如鼠走津液脫膝理開
 汗大泄或不仁四肢急痛或後緩弱唇口壞皮膚
 變色

石南一分 天雄炮去皮 山藥 桃仁製炒去尖
 芍藥 耳菊花 耳草各一兩 升麻 萎蕤各一兩半
 黃芪 辰砂別研各三分 石膏煨二兩 山茱萸一分
 右為細末每服二大錢食前溫酒調下
 大黃芪湯治肉虛極躄重急情四肢不遂拳關節疼
 痛不嗜飲食食則欬欬則右脇下痛陰引背及肩
 不可轉動

黃芪 桂心 巴戟去心 石斛酒浸 澤瀉 茯苓
 乾薑炮各三兩 防風 獨活 人參各二兩 天雄炮去皮
 芍藥 附子炮去皮 半夏湯洗七次 細辛去苗 白朮
 黃芩 枳椇根各一兩
 右為劉散每服四錢水二盞生姜七片煎七分去
 滓食前服

前胡湯治氣實極喘息衝胃常欲自恚心腹滿痛內
 外有熱煩嘔不安甚則唾血氣短乏不欲食口燥
 咽乾
 前胡剉兩 半夏湯洗七次去滑 麻黃去節 芍藥各六兩

黃芩三兩

枳實麩炒去穢一兩

右剉散每服四錢水二盞姜七片棗一個煎七分去滓不以時服

鍾乳散治氣虛極皮毛焦津液不通力乏腹脹甚則喘急氣短息塞晝晝羌夜甚

煉成鍾乳別研

乾薑炮

桔梗

茯苓

附子炮去皮脂

細辛去苗

桂心

人參各一分

白朮一兩

防風

牡蠣煨

枯樓根各二兩半

右為末每服二大錢溫酒調下食前

竹葉湯治精實極眼視不明齒焦髮落形衰通身虛

熱甚則留中療痛煩悶泄精

生乾地黄五兩

芍藥四兩

黃芪

茯苓

澤瀉

耳草炙

麥門冬去心各三兩

右剉散每服四錢水盞半姜三片淡竹葉十片煎七分去滓不以時服

磁石圓治精虛極眩暈驚悸夢中遺泄尿後遺瀝小便白濁甚則莖弱核微小腹裏急

磁石煨醋淬

龍齒煨

茯苓酒浸

茯苓各二兩

人參

麥門冬去心

遠志去心

續斷

赤石脂煨醋淬

鹿茸酥炙各一兩半

地黄乾者三兩

韭子炒

栝子仁

丹參 各一兩 一分

右為末蜜丸梧子大食前溫酒三十圓至五十圓

三黃圓治骨實極熱耳鳴面色焦枯隱曲膀胱不通

牙齒腦髓苦痛手足酸疼大小便閉

黃芩 大兩冬 用三兩

大黃 二兩冬用四 兩夏用三兩

黃連 春用七 兩夏用

柴兩秋用六 兩冬用二兩

右三味搗和蜜丸豆大每服十圓至十五圓米飲

下

鹿角圓治骨虛極面腫垢黑脊痛不能久立氣衰髮落齒槁腰背相引痛甚則喜唾不了方見五癘門

七氣叙論

夫五臟六腑陰陽升降非氣不生神靜則寧情動則亂故有喜怒憂思悲恐驚七者不同各隨其本臟所生所傷而為病故喜傷心其氣散怒傷肝其氣擊憂傷肺其氣聚思傷脾其氣結悲傷心胞其氣急恐傷腎其氣怯驚傷膽其氣亂雖七診自殊无踰於氣黃帝曰余知百病生於氣也但古論有寒熱憂志而无思悲恐驚似不倫類於理未然然六府无說唯膽有者蓋是奇恒淨府非轉輸例故能驚而為病

七氣證治

夫喜傷心者自汗不可疾行不可久立故經曰喜則氣散怒傷肝者上氣不可忍熱來溼心短氣欲絕不得息故經曰怒則氣擊一作憂傷肺者心系急上焦閉榮衛不通夜卧不安故經曰憂則氣聚思傷脾者氣留不行責聚在中脘不得飲食腹脹滿四肢怠惰故經曰思則氣結悲傷心胞者善忘不識人置物在處還取不得節變四肢浮腫故經曰悲則氣急恐傷腎者上焦氣閉不行下焦回還不散猶豫不決嘔逆惡心故經曰恐則精却驚傷膽者神无所歸慮无所定說物不竟而迫故經曰驚則氣亂七者雖不同本

乎一氣藏氣不行鬱而生涎隨氣積聚堅大如塊在心腹中或塞咽喉如粉絮吐不出燕不下時來每發欲死狀如神靈所作逆害飲食皆七氣所生所成治之各有方

七氣湯治藏腑神氣不守正位為喜怒憂思悲恐驚忤鬱不行遂聚涎飲結積堅牢有如坏塊心腹絞痛不能飲食時發時止發則欲死

半夏湯洗去滑五兩 人參 桂心 甘草炙各一兩
右剉散每服四錢水盞半七片棗一枚煎七分去滓食前服

大七氣湯治喜怒不節憂思兼并多生悲恐或時振
 驚致藏氣不平增寒發熱心腹脹滿傍衝兩脇上
 塞咽喉有如炙肉吐嚔不下皆七氣所生
 半夏湯洗七次五兩 白茯苓四兩 厚朴姜製炒三兩 紫蘇二兩
 右剉散每服四錢水盞半姜七片煎七分去滓食
 前服

五噎證治

夫五噎者即氣噎憂噎勞噎思噎食噎雖五種不同
 皆以氣為主所謂氣噎者心悸上下不通噎噦不徹
 胃背痛憂噎者遇天陰寒手足厥冷不能自溫勞噎

者氣上滿脇下支滿胸中填塞攻背疼痛思噎者心
 怔悸喜忘目視眈眈食噎者食无多少胃中苦寒疼
 痛不得喘息皆由喜怒不常憂思過度恐慮无時鬱
 而生涎涎與氣搏外而不降逆害飲食與五膈同但
 此在咽嗑故名五噎

五噎散治五種噎食飲不下胃背痛嘔噦不徹攻刺
 疼痛淚與涎俱出

- 人參 茯苓 厚朴去鹿皮剉 姜汁製炒 枳殼麸炒 去穢
- 桂心 甘草炙 訶子炮去核 白朮 橘皮
- 白薑炮 三稜炮 神麴炒 麥蘖炒各二兩 木香炮

檳榔 蓬木炮各半兩

右為末每服二錢水一盞生姜三片棗子一枚煎七分空心溫服又湯熱亦得

沉香散治五噎五膈胃中久塞諸氣結聚嘔逆噎塞食飲不化結氣不消常服寬氣通噎寬中進食

白木 茯苓各半兩 木通 當歸 橘皮 青皮

大腹子 大腹皮 檳榔 芍藥各一兩 耳草炙一兩半

白芷三兩 紫蘇葉四兩 枳殼炒去穢取三兩

右為末每服二錢水一盞姜三片棗一枚煎七分又空腹溫服

青橘散治中滿下虛五噎五膈脾胃不和胃膈痞悶

脇肋脹滿心腹刺痛不思飲食如中焦虛痞不任

攻擊臟腑虛寒不受峻補或因病氣衰不復常稟

受怯弱不能多食宜服之

枇杷葉去毛姜汁塗炙 薏苡仁微炒 縮砂仁 人參

茯苓各一兩 石斛細刻用酒拌和微炒 大腹子微炒 沉香

木香 藿香 杜仲去皮姜酒塗炙炒焦 藟風子如元棟散系小詞子代各三分

穀蘖微炒 白荳蔻微炒 五味子微炒 桑白皮

丁香 檳榔 青皮各半兩 半夏餅炙黃 神麴各一分

耳草炙兩半 陳皮三分 白木炒二兩

右為末每服二錢水一盞生姜三片棗三枚煎至七分溫服不計時五噎入乾柿一枚同煎拾服見效膈氣吐逆羸困入薤白三寸棗五枚同煎

塩津圓治五噎八痞

獨頭蒜不拘多少每個開七竅入去皮江子七粒溫帝裏煨研為膏非大蒜也

丁香 橘紅 木香 草撥 胡椒

右等分為末用蒜膏為丸如梧子大先嚼塩少許令生津液乾燕二粒漸加至三五圓臨卧服

廣五行記永徽中有僧維則病噎不能食語弟子曰吾死之後便可開吾膈喉視有何物言絕而卒弟子

果開視膈中得一物形似魚而有两頭遍射背肉鱗弟子置器中跳躍不止戲以諸味皆隨化尽時夏中監盛作殿有一僧以殿置器中此虫遂透器中走須臾化為水此乃生痕非五噎比後人因以監治噎誤矣

五膈證治

病有五膈者膈中氣結津液不通飲食不下羸瘦短氣名憂膈中脘實滿噎則醋心飲食不消大便不利名曰思膈膈逆滿噎塞不通嘔則筋急思聞食臭名曰怒膈五心煩熱口舌生瘡四肢倦重身常發熱

胃痺引背不能多食名曰喜膈心腹脹滿欬嗽氣逆
腹下若冬雷鳴遠脘痛不能食名曰恐膈此皆五情
失度動氣傷神致陰陽不和結于胃膈之間病在膈
中之下故名五膈若在咽嗑即名五噎治之五病同
法

五葦圓治憂患思慮膈塞不通及食冷物即發其病
若心病不得氣息引背痛如刺心下堅大如粉絮
緊痛欲吐吐即差食飲不下甚者手足冷短氣或
上氣喘急嘔逆悉主之

麥門冬去心 五兩 耳草炙各 人參四 川椒炒出

遠志

去心炒

細辛

去苗

桂心

各三兩

乾薑

炮二兩

附子

炮一兩

右為末蜜圓彈子大含化日三夜二胃中當熱七
日愈亦可丸如梧子大米湯下二三十圓延年方
夏加麥門冬耳草人參各一兩經心錄以吳茱萸
代桂治遇寒冬則心痛咽中有物吐不出嚥不入
食飲減少並可服之不拘時候

寬葦圓治氣不外降胃膈結痞

木香 京三稜炮 青皮各半兩 半夏三兩湯洗十次
大腹子一分

右為細末，姜汁糊為丸，梧子大，食後服湯下。二二三
十圓。

嘉禾散

沉香散

並治五疔

方見前五壹門

三因極一病證方論卷之八 終

